

Allatius iniit in opere posthumo *Dramaturgia di-*
sto, quod septem indicibus italicō idiomate com-
prehenditur, Romæque impressum est. Non pos-
*sum quin notissimæ illius Tragi-comœdiæ *Il Pa-**
**stor Fido* vocatæ præ aliis hic mentionem faciam,*
quæ Baptista Gvarinum, inclytum poëtam &
philosophum auctorem habet. Extant plurimo-
rum hoc de poëmate elogia, quorum illud non po-
*stremum est, quod Janus Nicius, Erythræus, *Pi-**
**nacothecæ Part. I. p. m. 95.* suppeditat. Hujus, in-*
*quit, Eclogæ *Pastori fido* nomine ea est claritas, ea*
celebritas, ut nullæ sint manus quibus illa non tera-
tur, nulli sint oculi quibus non legatur, nulla sit
ætas five puerorum, five adolescentium, five juve-
num, five senum, nullus sexus five virorum, five
mulierum, in quorum finu non gestetur, nullus ho-
minum ordo five nobilium, five tenuiorum, nul-
lum genus five doctorum, five rudium, in quorum
domibus non inveniatur, nullæ impressorum offi-
cinæ ubi illa fere quotannis typis non mandetur, nul-
la nationum, quantumvis barbararum diversitas,
in quarum sermonem conversa non legatur. Mo-
rum fortasse integritati non utilis; etenim in ejus
dulcedine s̄avitateque, tanquam in infesto Sirenis
mari, in quo etiam Ulysses erravit, virgines nuptæ-
que complures pudicitiæ naufragium fecisse dicun-
tur, sed legentium manibus extorqueri non potuit.
Nec defuerunt præstantia doctorum hominum in-
genia, quæ stantem ejus gloriam suis censuris, tan-
quam machinis conata sunt oppugnare atque sub-